

YEKÎTÎYA EWRÛPAYÊ Û ENDAMETÎYA TIRKIYÊ

Ev mesela ha, di warê sîyasî, abûrî, çandî û ciwakî de qasî ku Tirkîyê alaquadar dike kurdan jî alaquadar dike.

Yanî ev mesela ha ne tenê mesela Tirkîyê ye. Ji bona çareserkirina pirsê kurd YE (Yekîtiya Ewrûpayê) jî bo me kurdan girîng e. Di van demên dawîn de mijara endametiya Tirkîyê ya YE rojevê zêde zêde mijûl dike. Li Tirkîyê yasayên lihevkerinê derxistin, di çerçewa YE de hinek guhartin hatin kirin. Lê înkarkirina pirsê kurdî di rastiyê da ne hatiye guhartin. Hebûna gelê kurd hîn jî bi awayekî fermî nehatiye qebûl kirin. Ji bona çareserkirina pirsê kurdî tu gavên ku tên daxwazkirin nehatine avêtin. Hîn jî bi zimanê kurdî weşan û perwerde bi sînor e.

Bi rastî jî niqaşkirina mesela kurd bê ka "kêmetewe" ye yan na, bi min pir seyr e. Ji ber ku dunya û alem dizanin ku gelê kurd ne "kêmetewe" ye, ew bi dîrok, ziman û çanda xwe neteweke serbixwe ye.

Berî her tiştî divê dewletên YE pirsê kurdî di sewîyeke bilind de niqaş bikin. Lê mixabin em dibînin ku îro ev sewîye pir nizm e. Dîsan mixabin ku dewletên YE gelê kurd bi awayekî fermî ne wek teref û ne jî wek xwediyê pirsê qebûl dike

Ev pirs, pirsê me ye, divê ew ne bi komara Tirkîyê re çareser bike, divê teref em kurd bin.

Bi bîr û raya min divê Tirkîye hin hengavina baveje ji bona bicihanîna pîvanên Kopenhagê û bide xuyakirin ku ew guhartin çêbûne paşîngê jî bona endametiye dikarin li hev rûnin. Yanî YE gerek vê wek erk û mercekî deyne ber komara Tirkîyê.

Em kurd wek rêxistin, dezgeh yan jî ferd, ji bona çareserkirina pirsê kurdî, çî têkeve ser mile me, divê em teksîr nekin.

Bi destxistina mafên demokratîk tenê bi endametiya YE wê bibe. Kurd wek gelên din yê dunyayê divê xwedî hemû mafên demokratîk bin.

Ayşe Güler